

PARTNERIAETH CYDWASANAETHAU GIG CYMRU


Cynllun Gweithredu Datgarboneiddio 2022-2023



GIG
CYMRU
NHS
WALES

Partneriaeth
Cydwasaethau
Shared Services
Partnership

Cynnwys



Paratowyd gan Dîm Cyfathrebu PCGC.



Rhagymadrodd

Mae'r ddogfen hon yn sail i Gynllun Gweithredu Datgarboneiddio Partneriaeth Cydwasanaethau'r GIG (NWSSP).

Mae'n ofynnol i Bartneriaeth Cydwasanaethau GIG Cymru gyflwyno copi o'r Cynllun Gweithredu hwn i Lywodraeth Cymru erbyn 31 Mawrth 2022.

Cefndir

Cyhoeddwyd Cynllun Cyflenwi Strategol Datgarboneiddio GIG Cymru (2021-2030) ym mis Mawrth 2021 ac mae'n darparu map ffordd manwl ar gyfer GIG Cymru, wedi'i ddatblygu o gwmpas 46 o fentrau ac mae pob un ohonynt wedi'u hasesu o ran y potensial i helpu i hwyluso neu leihau allyriadau carbon yn uniongyrchol. Mae'r Cynllun Strategol yn datblygu ar y safbwynt polisi a ddatblygwyd yn Neddf Llesiant Cenedlaethau'r Dyfodol (Cymru) 2015, Deddf yr Amgylchedd (Cymru) (2016), Ffyniant i Bawb: Cymru Carbon Isel (2019) a Chymru Sero Net (2021), ac mae'n ymateb yn uniongyrchol ac yn cefnogi uchelgeisiau Llywodraeth Cymru (LIC) i'r sector cyhoeddus yng Nghymru fod yn sero net yn gyffredinol erbyn 2030.

Mae'r Cynllun Strategol wedi'i strwythuro'n chwe phrif ffrwd gweithgaredd:



Rheoli Carbon



Adeiladau



Cludiant



Caffael



Cynllunio Ystadau
a Defnydd Tir



Agwedd at Ofal
Iechyd

Mae'r Cynllun Strategol yn cynnwys amserlen ddangosol i helpu GIG Cymru i reoli ei weithgareddau dros y cyfnod, gan adlewyrchu'r canlynol:



Cyflymu'r Broses
(2020-2022)



Ar y Trywydd
Iawn
(2022-2026)



Cyrraedd ein
Nod
(2026-2030)



Rôl Genedlaethol PCGC

Arweiniodd PCGC y gwaith o ddatblygu a chyhoeddi'r Cynllun Strategol sy'n nodi ymateb GIG Cymru i uchelgeisiau sero net 2030. Mae gan y sefydliad rôl arweiniol ar gyfer Cymru mewn Adeiladau, Cludiant, Caffael, Cynllunio Stadau a Defnydd Tir ond mae ganddo hefyd gyfrifoldebau ar draws ffrydiau gweithgarwch eraill ar lefel Genedlaethol a Lleol oherwydd ein dylanwad uniongyrchol sylweddol ar agweddau allweddol ar y Cynllun.

Yn ogystal â'r darlun cenedlaethol hwn, mae'n ofynnol i holl sefydliadau'r GIG ddatblygu cynlluniau gweithredu unigol erbyn 31 Mawrth 2022 yn manylu ar eu hymateb i'r Cynllun Strategol a'r 46 menter. Mae PCGC yn cydnabod y rôl allweddol rydym yn ei chwarae wrth gyflenwi ynghylch datgarboneiddio ein hystâd a'n gweithgareddau ein hunain, ac yn y rôl rydym yn ei chwarae wrth ddarparu gwasanaethau technegol, proffesiynol a thrafodaethol i'r GIG ehangach yng Nghymru.

Bydd cynnydd gyda'r gwaith cenedlaethol hwn yn cael ei fonitro a'i adrodd drwy Fwrdd Rhaglen Datgarboneiddio a Newid Hinsawdd Llywodraeth Cymru. Bydd rhai elfennau yn dod o fewn adroddiadau cynnydd Cynllun Tymor Canolig Integredig (IMTP) PCGC hefyd.





Cynllun Gweithredu Lleol PCGC

Mae PCGC hefyd wedi datblygu ei gynllun gweithredu ei hun a gafodd ei grynhoi yn yr IMTP ar gyfer 2022-25 a bydd adroddiadau cynnydd yn cael eu hintegreiddio i broses fonitro'r IMTP. Mae'r cynllun hwn yn nodi sut y bydd y sefydliad yn datgarboneiddio ein gweithgareddau ein hunain. Mae camau gweithredu allweddol yn cynnwys lleihau effaith ein hadeiladau, ein fflyd, a gwasanaeth golchi dillad newydd, yn ogystal â gweithio gyda staff i helpu i godi proffil datgarboneiddio ar draws y sefydliad.

Mae'r Cyfarwyddwr Ystadau Arbenigol wedi'i enwebu i arwain y gwaith o gyflenwi yn erbyn Cynllun Cyflenwi Strategol Datgarboneiddio'r GIG. O fewn y cynigion drafft mae'r camau arweinyddiaeth strategol a ganlyn. Bydd PCGC yn:

- penodi Cyfarwyddwr yn Arweinydd Datgarboneiddio (ac Uwch Swyddog Cyfrifol).
- sefydlu Grŵp Llywio i oruchwylio rhaglen ddatgarboneiddio PCGC.
- sicrhau bod y Pwyllgor Partneriaeth Cydwasanaethau yn cael adroddiadau cynnydd chwarterol ar ddatgarboneiddio.

Mae PCGC wedi cynhyrchu Cynllun Gweithredu Datgarboneiddio fel sy'n ofynnol erbyn 31 Mawrth 2022. Mae'r cynllun yn integreiddio ein dyletswyddau ar gyfer Cymru a'n cyfrifoldebau fel sefydliad y GIG sy'n defnyddio adeiladau, peiriannau ac offer, yn caffael nwyddau a gwasanaethau, yn cyflogi staff, ac yn rheoli systemau a phrosesau gweithredu.

Rydym yn cymhwyso Cynllun Cyflenwi Strategol Datgarboneiddio GIG Cymru fel ein hegwyddor arweiniol. Byddwn yn parhau i ymgysylltu â chydweithwyr Datgarboneiddio Llywodraeth Cymru i egluro'r cysylltiadau rhwng cynllun GIG Cymru a chanllaw Sector Cyhoeddus Llywodraeth Cymru.



Cynnydd a Chyflawniadau hyd Yma

Mae PCGC eisoes wedi gwneud cynnydd sylweddol wrth roi llawer o fentrau ar waith sy'n cyfrannu at yr agenda datgarboneiddio. Mae nifer o'r rhain wedi'u nodi isod:

- Mae gweithgareddau PCGC yn cynnwys cyflwyno nifer sylweddol o bwyntiau gwefru cerbydau trydan ar draws ein hystad. Hyd yn hyn rydym wedi gosod mwy na 25 o bwyntiau (ar gyfer defnydd staff a cherbydau fflyd). Mae cyflwyno'r rhain ledled Cymru yn galluogi'r sefydliad i symud yn gyflymach i gaffael cerbydau fflyd trydan. Mae'r gwersi a'r profiad a enillwyd yn cael eu rhannu â Byrddau Iechyd / Ymddiriedolaethau eraill.
- Mae PCGC yn prynu trydan a nwy ar gyfer GIG Cymru i gyd. Daw 100% o'r trydan a brynir o ffynonellau adnewyddadwy ardystiedig.
- Mae PCGC yn gweinyddu'r cynllun Aberthu Cyflog Ceir Prydles dros y rhan fwyaf o Fyrddau ac Ymddiriedolaethau Iechyd. Yn ddiweddar, mae'r Pwyllgor Cydwasanaethau wedi lleihau'r terfyn CO2 ar gyfer ceir sydd ar gael i'r graddau bod pob car newydd a archebir naill ai'n gar Trydan neu'n Hybrid. Ar hyn o bryd mae tua 2000 o geir yn y fflyd (ar draws GIG Cymru) ac mae nifer sylweddol iawn ohonynt yn Gerbydau Trydan (EV) neu'n rhai Hybrid.
- Mae PCGC wedi cael cyfrifoldeb am weithredu gwasanaethau Golchi Dillad a Llieiniau GIG Cymru. Fel rhan o'r rhaglen hon mae cynllun mawr i foderneiddio'r cyfleusterau golchi dillad ledled Cymru a'r bwriad yw y bydd y cyfleusterau newydd hyn (a'r rhai wedi'u hadnewyddu) yn cael eu dylunio i ddilyn nodau dylunio carbon isel Cynllun Strategol Datgarboneiddio GIG Cymru.

Mae yna 'Dîm Gwyrdd' o fewn PCGC sy'n cynnwys cynrychiolwyr o bob cyfarwyddiaeth a'r prif safleoedd sy'n cyfarfod yn rheolaidd. Mae rôl y grŵp hwn yn hanfodol i gynnal diddordeb ehangach staff wrth gyflenwi'r cynllun hwn.

Mae 'Mentrau Gwyrdd' presennol yn PCGC yn cynnwys

- Mae PCGC yn dal ardystiad ISO 14001:2015 ar draws ei ystâd (ac eithrio Golchdai);
- Uwchraddio goleuadau i Ddeudau Allyrru Golau (LED);
- Gosod systemau ffotofoltäig;
- Uwchraddio cerbydau fflyd i drydan;
- Mae Gwasanaethau Caffael/Negesydd Iechyd (HCS) yn treialu Cerbydau Nwyddau Trwm trydan;
- Mae cyfleusterau gwefru ar gael ar gyfer cerbydau fflyd a staff;
- Mae'r holl ddata am y defnydd lleol o gyfleustodau yn cael ei fonitro;
- Mae gan bob safle nifer o wahanol ffrydiau gwastraff ar waith;
- Gwaherddir prynu plastig untro;
- Cadarnhaodd data ostyngiad o 75% mewn teithiau staff ar gyfer y cyfnod 2020-21;
- Gweithredu Pecyn Cymorth Gweithio Ystywyth.





Casgliad

- Cafodd y cynllun gweithredu PCGC hwn ei ystyried a'i gymeradwyo gan Uwch Dîm Arweinyddiaeth PCGC ar 31 Mawrth i'w gyflwyno i Lywodraeth Cymru. Roedd hyn yn dilyn nifer o weithdai datblygu gyda staff PCGC a'r grŵp arweinyddiaeth yn ystod y misoedd diwethaf.
- Bydd cynnydd yn erbyn y cynllun gweithredu hwn yn cael ei arwain a'i fonitro gan y grŵp llywio sefydledig ac yn adrodd yn rheolaidd i'r Uwch Grŵp Arwain ac i'r Pwyllgor Partneriaeth Cydwasanaethau.



Cynllun Gwaith PCGC



Thema	Amcan	Camau Gweithredu	Mesurau Llwyddiant	Dolen i Gynllun Cyflenwi Strategol Datgarboneiddio'r GIG
 Arweinyddiaeth / Rheolaeth	 Ymgorffori datgarboneiddio yn ffordd o weithio PCGC ac i PCGC fod yn sefydliad enghreifftiol.	 - Sefydlu ôl troed carbon PCGC (gwaelodlin ar gyfer 2020/21). Yn ofynnol ar gyfer adroddiadau allanol a monitro cynnydd mewnol. - Nodi Cyfarwyddwr arweiniol ar gyfer PCGC. - Ymgorffori egwyddorion datgarboneiddio ar draws cyfarwyddiaethau. - Cynnal ardystiad ISO 14001 a gwreiddio Cynllun Cyflenwi Strategol datgarboneiddio ynddo. - Cysylltu ac ymgorffori gyda'r Tîm Gwyrdd (ISO 14001) a'r rhwydwaith o bencampwyr. - Annog diddordeb ac ymwybyddiaeth staff trwy gyfathrebu a gwobrau.	 - PCGC i adrodd yn flynyddol i Lywodraeth Cymru ynghylch adroddiadau carbon sector cyhoeddus. - Penodwyd Cyfarwyddwr Gwasanaethau Ystadau Arbenigol. - Datgarboneiddio i ddod yn rhan annatod o agenda'r Uwch Grŵp Arwain a'r ffordd o weithio. - Ardystiad ISO 14001 parhaus (archwiliad adnewyddu). - Parhau â gwobrau PCGC a chynnwys categorïau amgylcheddol. Cyfathrebu rheolaidd â'r holl staff yn ymwneud â datgarboneiddio a'r amgylchedd.	 - Cam cyntaf hanfodol at gyflawni'r rhaglen. - Ysgogi'r ymgysylltu sydd ei angen ar gyfer datgarboneiddio yn y tîm arwain. - Cyfathrebu'r Argyfwng Hinsawdd i staff yn rhagweithiol.
 Ynni / Adeiladau	 Lleihau'r defnydd o ynni ac allyriadau CO2 mewn adeiladau sy'n eiddo i Bartneriaeth Cydwasaethau GIG Cymru a mannau ar brydles.	 - Strategaeth ddigidol - Mae PCGC yn symud oddi wrth weinyddion ar safleoedd i systemau cwmwl a fydd yn lleihau'r angen am gyfleusterau gweinydd ynni-ddwys ar safleoedd Partneriaeth Cydwasaethau GIG Cymru. - Darparu a defnyddio Gwefrwyr Cerbydau Trydan ar safleoedd PCGC (25 ar hyn o bryd wedi'u gosod). 6 gwefrydd dwbl i'w hychwanegu yn 2022. Defnyddio lle ar doon ar gyfer systemau ffotofoltäig solar (Picketston ac IP5). Y cam cyntaf at gwblhau asesiadau ymarferoldeb. - Lle bo modd, safleoedd PCGC i ddefnyddio trefniant prynu trydan Gwarantau Tarddiad Ynni Adnewyddadwy GIG Cymru. - Mae uwchraddio goleuadau i LED ar draws yr ystâd yn parhau. Pencadlys, IP5, Matrics House, Dinbych yn y don gyntaf.	 - Mae gweithredu'r systemau newydd yn arwain at ostyngiad yn y defnydd o drydan yn y safleoedd yr effeithiwyd arnynt. - Cynyddu'r nifer sy'n manteisio (o ran kWh a ddefnyddir a nifer y defnyddwyr). - Cwblhau astudiaethau ymarferoldeb. Eu gosod yn llwyddiannus ac arbedion / cynhyrchu y gellir eu dangos. - Cymryd contract yn safleoedd PCGC. - Cyflwyno rhaglenni ac arbedion amlwg.	 - Rhaglen ôl-osod effeithlonrwydd ynni a dŵr ar draws yr ystad. - Bydd gan bob adeilad systemau rheoli adeiladau effeithiol. - Gosod pwyntiau gwefru cerbydau trydan. - Penderfynu ar y potensial hyfyw cyffredinol ar gyfer cynhyrchu ynni adnewyddadwy ar y safle. - Bydd trydan a gefnogir gan Warrantau Tarddiad Ynni Adnewyddadwy yn cael ei gaffael erbyn 2025, a 100% o nwy sy'n cael ei wrthbwyso erbyn 2030. - Amnewid yr holl oleuadau presennol yn llwyr gyda goleuadau LED erbyn 2025.



Thema	Amcan	Camau Gweithredu	Mesurau Llwyddiant	Dolen i Gynllun Cyflenwi Strategol Datgarboneiddio'r GIG
				
➤ Gwasanaethau golchi dillad	➤ Lleihau'r defnydd o ynni ym mhorthffolio Gwasanaethau Golchi Dillad PCGC.	➤ Ehangu cwmpas ardystiad ISO 14001 PCGC i ymgorffori Gwasanaethau Golchi Dillad. ➤ Rhaglen mentrau ar gyfer effeithlonrwydd ynni yn yr ystad golchi dillad bresennol i gynnwys: goleuadau LED, uwchraddio inswleiddio pibellau, uwchraddio pypiau a moduron i Yriannau Cyflymder Amrywiol, mwy o ddefnydd o gofnodwyr data a monitro. ➤ Greenvale Laundry yn gosod arae PV solar a fydd yn cynhyrchu trydan di-garbon. ➤ Bydd cyfleusterau golchi dillad newydd yn cael eu dylunio a'u hadeiladu yn unol â Safon Ardderchog Dull Asesu Amgylcheddol Sefydliadau Ymchwil Adeiladu a byddant yn cadw at Gynllun Cyflenwi Strategol Datgarboneiddio GIG Cymru. ➤ Gwasanaethau Golchi Dillad i gymryd rhan mewn cynllun peilot HGV Trydan (dolen i'r Gadwyn Gyflenwi a Logisteg isod).	➤ Cyflawni ardystiad ISO 14001 yn llwyddiannus. ➤ Gostyngiad yn y defnydd o ynni. Wedi'i osod yn erbyn adroddiad llinell sylfaen ynni / carbon Chwefror 2020. ➤ Gostyngiad mewn defnydd trydan. ➤ Â Cyflawni Safon Ardderchog Dull Asesu Amgylcheddol Sefydliadau Ymchwil Adeiladu.	➤ Rhaglen ôl-osod effeithlonrwydd ynni a dŵr ar draws yr ystad. ➤ Bydd gan bob adeilad systemau rheoli adeiladau effeithiol. ➤ Penderfynu ar y potensial hyfwrdd cyffredinol ar gyfer cynhyrchu ynni adnewyddadwy ar y safle. ➤ Datblygu ac adeiladu adeiladau carbon isel i sero net / Safonau rhagorol Dull Asesu Amgylcheddol Sefydliadau Ymchwil Adeiladu. ➤ Gosod pwyntiau gwefru cerbydau trydan.



Thema	Amcan	Camau Gweithredu	Mesurau Llwyddiant	Dolen i Gynllun Cyflenwi Strategol Datgarboneiddio'r GIG
 Rheoli Gwastraff	 Lleihau gwastraff a waredir yn adeiladau PCGC a chynyddu ailgylchu.	 Symud tuag at egwyddorion swyddfa ddi-bapur.  Ymchwilio / dewis prosiect i dargedu plastigion untro.  Prynu deunyddiau o ffynonellau cynaliadwy lle bo hynny'n ymarferol (cyflenwadau swyddfa yn arbennig).  Cyflwyno ailgylchu gwastraff bwyd ym mhob cyfleuster. Gweithio gyda sefydliadau eraill i ddarparu gwasanaethau.	 Prynu llai o bapur.  Cyflwyno'r cynllun.  Presenoldeb cynlluniau enghreifftiol.  Cyflwyno gwasanaethau ailgylchu gwastraff bwyd.	 Datblygu menter gwastraff plastig i ymdrin ag eitemau untro.  Ddim yn rhan o'r Cynllun Cyflenwi Strategol ond bydd yn ofynnol gan Ddeddf yr Amgylchedd (Cymru) Lywodraeth Cymru.
 Dŵr	 Lleihau'r defnydd o ddŵr a hybu manteision iechyd hydradu gwell i staff.	 Darparu dŵr yfed ar bob safle i annog pobl i beidio â phrynu dŵr potel - dod o hyd i a dosbarthu poteli PCGC y gallir eu hail-lenwi fel mesur codi ymwybyddiaeth.  Parhau â'r rhaglen cynnal a chadw ac atgyweiriadau ar gyfer cyfleusterau dŵr (tapiau, toiledau ac ati).	 Cynllun poteli dŵr PCGC.  Parhad ardystiad ISO 14001.	 Cyfathrebu'r Argyfwng Hinsawdd i staff yn rhagweithiol.  Datblygu menter gwastraff plastig i ymdrin ag eitemau untro.  Rhaglen ôl-osod effeithlonrwydd ynni a dŵr ar draws yr ystad.



Thema	Amcan	Camau Gweithredu	Mesurau Llwyddiant	Dolen i Gynllun Cyflenwi Strategol Datgarboneiddio'r GIG
				
➤ Cadwyn Gyflenwi Caffael a Logisteg	➤ Integreiddio arferion caffael cynaliadwy yn fewnol a gwella argaeledd ein data er mwyn helpu i fesur.	➤ Gwella adrodd am ddata i alluogi PCGC a Byrddau Iechyd eraill i adrodd am ôl troed yn well. Darparu data caffael mewn fformat sy'n bodloni Canllaw Adrodd ar y Sector Cyhoeddus Llywodraeth Cymru. ➤ Parhau â'r rhaglen adnewyddu cerbydau injan diesel gyda cherbydau trydan batri ag allyriadau isel. 22 o Gerbydau Trydan newydd o fis Ebrill 2022. ➤ PCGC i cymryd rhan mewn rhaglen yn y DU i dreialu cerbydau nwyddau trwm gyda batriau trydan. 20 mis o hyd, 10x cerbyd am gyfnod o 2 fis wedi'i gynnig o 4 lleoliad. ➤ Cyflwyno systemau i wella effeithlonrwydd y fflyd trwy dechnoleg olrhain, meddalwedd amserlennu a hyfforddi gyrwyr Cerbydau Trydan. ➤ Treialu defnyddio paneli solar Ffotofoltäig ar doeau cerbydau i ddarparu pŵer wrth gefn ategol a lleihau cadw injans yn segur. ➤ Cryfhau cyswllt ffurfiol â Grŵp Datblygu Cynaliadwy y Gwasanaethau Caffael fel modd o rannu arfer da ac annog arloesedd. ➤ Ymchwilio / dewis prosiect i dargedu plastigion untro (poteli dŵr).	➤ PCGC i adrodd yn flynyddol i adroddiadau carbon y sector cyhoeddus i Lywodraeth Cymru. ➤ Cyflawni % o'r fflyd ar Fatriau Trydan / Hybrid. Uchelgais i gael cynnydd o 275% mewn milltiroedd Cerbydau Trydan yn 2022. Arbediad rhagamcanol o 68,000kg CO2. ➤ Cyfranogiad llwyddiannus yn y treial. ➤ Systemau wedi'u cyflwyno. ➤ Cynlluniau wedi'u cyflwyno yn llwyddiannus. 1 cerbyd ar hyn o bryd, bwriedir cael ail gerbyd yn 2022/23. ➤ Cyfarfodydd grŵp a phrosiectau sy'n deillio o'r grŵp hwnnw. ➤ Cyflwyno'r cynllun yn llwyddiannus.	➤ Pontio i Gerbydau Allyriadau Isel Iawn a cherbydau trydan batri. ➤ Rheoli Cerbydau. Gweithredu / parhau i weithredu datrysiadau telemateg i ddadansoddi a gwella ymddygiad gyrwyr. ➤ Penderfynu ar y potensial hyfyw cyffredinol ar gyfer cynhyrchu ynni adnewyddadwy ar y safle. ➤ Cyfathrebu'r Argyfwng Hinsawdd i staff yn rhagweithiol. ➤ Datblygu menter gwastraff plastig i ymdrin ag eitemau untro.



Thema	Amcan	Camau Gweithredu	Mesurau Llwyddiant	Dolen i Gynllun Cyflenwi Strategol Datgarboneiddio'r GIG
				
➤ Pobl a'r Gweithlu	➤ Staff i fod yn fwy ymwybodol o nodau datgarboneiddio a dod yn fwy "ymwybodol o garbon".	➤ Datblygu ymagwedd gyfunol at hyfforddiant a chodi ymwybyddiaeth i staff. PCGC i dargedu Menter Llythrennedd Carbon. Gweithio gyda Byrddau Iechyd a Cynnal Cymru i'w datblygu. ➤ Cyflwyno Hyfforddiant Llythrennedd Carbon trwy adnabod ac uwchsgilio "Hyfforddwyr". ➤ Sicrhau bod hyfforddiant Llythrennedd Carbon ar gael i staff (trwy ddewisiadau cyflenwi ar-lein ac mewn amser real" ➤ Mae PCGC yn datblygu strategaeth Gweithio Ystwyth a fydd yn ystyried ystad PCGC a mesurau i gefnogi staff i weithio'n ystwyth. ➤ Cyfathrebu - darparu staff gyda dolenni i offer ar gyfer cyfrifo eu heffeithiau a'u holion traed eu hunain.	➤ Adnewyddu'r pecyn e-ddysgu Gwastraff Amgylcheddol ac Ynni presennol ac ymchwilio i fodel cyflenwi mewn "amser real". ➤ Adnabod a hyfforddi "Hyfforddwyr". ➤ Nifer neu % o staff PCGC sy'n cwblhau'r lefelau priodol o hyfforddiant sy'n berthnasol i'r rôl. ➤ Bydd cyflenwi'r Strategaeth Ystwyth yn llwyddiannus yn cael effeithiau ar CO2 (cadarnhaol yn gyffredinol) ➤ Rhoi cyhoeddusrwydd i i'r strategaeth i'r staff.	➤ Cyfathrebu'r Argyfwng Hinsawdd yn rhagweithiol i'r staff. ➤ Defnyddir addysg i hyrwyddo datgarboneiddio ar draws ein gwasanaeth. ➤ Cyfathrebu'r Argyfwng Hinsawdd yn rhagweithiol i staff. ➤ Defnyddir addysg i hyrwyddo Datgarboneiddio ar draws ein gwasanaeth. ➤ Cefnogi targed y Llywodraeth i 30% o'r gweithlu Cymreig fod yn gweithio o bell. ➤ Technoleg glyfar - defnyddio technoleg i gynyddu'r effeithlonrwydd. ➤ Cyfathrebu'r Argyfwng Hinsawdd yn rhagweithiol i staff.



Thema	Amcan	Camau Gweithredu	Mesurau Llwyddiant	Dolen i Gynllun Cyflenwi Strategol Datgarboneiddio'r GIG
 Cludiant a Theithio				
➤ Cludiant a Theithio	➤ Darparu cyfleoedd i staff leihau eu hól troed cludiant a lleihau ôl troed carbon ein cerbydau fflyd.	➤ Bellach mae gan y cynllun ceir aberthu cyflog 2000 o gerbydau ledled Cymru – parhau i hyrwyddo a chynnig y cynllun i staff PCGC. ➤ Rheoli a chynyddu darpariaeth gwefrwyr ceir trydan i staff a'r fflyd. ➤ Parhau i weithredu a hyrwyddo cynllun aberthu cyflog Beicio i'r Gwaith. ➤ Parhau i gyflwyno'r ddarpariaeth o gyfleusterau i annog staff i seiclo i'r gwaith. ➤ E-dreuliau - darparu data cywir a chadarn am deithiau fflyd a busnes i alluogi PCGC a sefydliadau eraill i gyfrifo'r ôl troed cludiant yn gywir. ➤ Gostyngiad yn y milltiroedd busnes a deithir trwy ddefnyddio gweithio ystwyth (systemau TG, gweithio gartref ac ati).	➤ Bellach mae gan y Cynllun dros 2000 ar draws GIG Cymru. Parhau â'r twf hwn. ➤ Cynyddu'r nifer sy'n manteisio (kWh a ddefnyddir a nifer y defnyddwyr). ➤ Cynyddu'r nifer sy'n manteisio (nifer y defnyddwyr). ➤ Cynnydd trwy amcanion y Tîm Gwyrdd /ISO 14001. ➤ Cyflwyno data dibynadwy yn amserol. ➤ Gostyngiad mewn milltiroedd busnes yn erbyn llinell sylfaen cyn-covid.	➤ Cyfathrebu'r Argyfwng Hinsawdd i staff yn rhagweithiol (Teithio carbon isel). ➤ Gosod pwyntiau gwefru cerbydau trydan. ➤ Cyfathrebu'r Argyfwng Hinsawdd i staff yn rhagweithiol (Teithio llesol). ➤ Mae'n cefnogi'r Cyflenwi Strategol cyffredinol. ➤ Sefydliadau i werthuso a diweddarau polisïau a dull gweithredu ar gyfer fflyd lwyd a milltiroedd busnes a yrrir.



Thema	Amcan	Camau Gweithredu	Mesurau Llwyddiant	Dolen i Gynllun Cyflenwi Strategol Datgarboneiddio'r GIG
 Prosesau Clinigol	 Lleihau effeithiau carbon rhai prosesau gofal iechyd a meddyginiaethau.	 Monitro effaith gadarnhaol bosibl Trawsnewid Mynediad at Feddyginiaethau h.y Bydd gwasanaeth modern mewnol yn well ac yn fwy effeithlon na'r tremiant presennol.	 I'w fonitro ar gyfer datblygiadau yn y dyfodol yn y cynllun busnes a'u cynnwys efallai.	
 Isadeiledd Gwyrdd / Bioamrywiaeth	 Gwneud y gorau o unrhyw fannau gwyrdd i annog natur a bioamrywiaeth.	 Mae angen i Bartneriaeth Cydwasanaethau GIG Cymru asesu pa fannau gwyrdd a chyfleoedd sydd gennym.  Darparu cyfleusterau awyr agored i alluogi staff i ryngweithio â mannau gwyrdd (ee meinciau ac ati).	 Dolen ag ISO 14001. Parhau i ddarparu cyfleusterau.	 Defnydd tir - cefnogi mentrau lleol i gynnal mannau gwyrdd.





GIG
CYMRU
NHS
WALES

Partneriaeth
Cydwasaethau
Shared Services
Partnership



@NWSSP



NWSSP

pcgc.gig.cymru



GIG
CYMRU
NHS
WALES

Partneriaeth
Cydwasaethau
Shared Services
Partnership